



Comune di Quartu Sant'Elena
Comunu de Quartu Sant'Aleni

MONUMENTUS DE QUARTU SANT'ALENI

Crèsia de Santa Maria



Sa cresiedda de bia Santa Maria forsis dd'ant pesada asuba de una crèsia paleocristiana. Su Giugi Gosantinu, in su 1089, dd'iat donada a is Vitorinus.

Incapas sa crèsia dd'iant torrada a pesai in su de XII sèculus, candu fiat gaii dedicata a sa Madonna cun su titulu "*la iglesia de la Conception*".

Segundu is documentus gaii in su 1341 sa crèsia no fiat prus de is Vitorinus.

In su tempus dd'ant abbandonada e arrangiada, cun unus cantu interventus de restàuru me in is sèculus.

S'àbsidi, is murus de pedra e una genna murada a manu dereta faint parti de su protoromànicu. Apustis dd'ant smanniada e sa faciada dd'ant fata cun stili gòticu-cadalanu a campanili simpli.

Ainturu est una cresiedda cun una navada e un'àbsidi, is arredus simplis cun una pintura de s'Imaculada, sa stàtua de Maria Virgini e un'acuasanta de su Sescentus cun sa forma de conca de cristianu.